

حقوقی بیکسیر مجموعہ سی

آئندہ بر نشر اول نور

قاصبر

برنجی تجارت محکمہ سی رئیس احمد اسعد بك طرفندن

اسعد بك افنديك بو عنوانله قلمه آلدینی اثر (۴۰) صحیفه لك برساله دن عبارتدر .
أولا برشكایتله باشلايه لم ؛ مادام كه بو مهم و جداً معضل برنجی اله آمشدر نهدن بوكا
دائر نیجه نیجه اثرلردن ده استفاده ایدرك بختی هر جهندن و مفایسه لی بر صورتده تدقیق
بو یورمادی و یالكز (یقو) نك اثرینی تعقیب ایله اکتفا بو یوردی ، صانیرسم موسیو
یقونك اثری ۱۹۲۱ ده باصیلدی ؛ او وقتدن اعتباراً اسویجره محاکمده تطبیق ایدیلن
احکامده دائماً مطرد اولما مشدر . شکایتی همان تمنی به تبدیل ایدرك محترم محررندن
بو بحثینه عودت ایتسنی و اوروپاده ، مختلف مملکتلرده ، اجتهادك بو مسئله حقنده تعقیب
ایتدیکی تحولاتی کوزدن کچیرهرك تدقیقاتلرینی تعمیق بو یورمالرینی رجا ایده جکز .
مجموعه من بو یولده کی یازیلرینی نشره شکرانه آماده در .

نظریات قسمی بر طرف ایتدکن صوکر اسعد بك افندی ۴۰ صحیفه بو چنین
مسئله ده دائر الك مهم اساسلری صیقشدرمغه موفق اولمشدر : الك زیاده اسویجره ده
اجتهادك تکاملاتی حقنده کی افاده لری ، واضح و صریحدر ؛ وعده سنده تأدیبه دین ایدلدیکی
تقدیرده ضرر و زیان نامیله بر مبلغك طلب ایدیله جکی حقنده کی نظریه ایجه نکته لری
حائزدر ؛ بو قواعدك نرده نه درجه به قدر قابل تطبیق اوله جفی شایان تدقیقدر ؛ محکمه
تمیزك - ذمتنه ترتب ایتدیکی تاریخده کی فبائی نظراعتباره آلق صورتیله - اجنبی مسکوکات
حقنده کی نظریه معلومه سندن صوکرایی احکامی نه صورتله تطبیق ایده جکنی بکله مك
لازم کله جکدر . بو کوچوك رساله بك استفاده لیدر ؛ مسئله نك اساسلری حقنده محمل و مفید
بر فکر ایدنمكه خدمتی درکاردر . بالعموم مسلکدا اشاره صمیمی صورتده توصیه ایدرز .